



■鄭嘉穎與陳凱琳出名恩愛。資料圖片

陳凱琳 (Grace) 自離開無綫後轉做 KOL，做得有聲有色！她透露最近自編自導自演短片，希望帶給觀眾新鮮感。她承認想過開製作公司，若真的成事，為求打響頭炮必定叫老公鄭嘉穎演出，但就盡量避免叫三個囡囡出鏡。

衛詩雅素顏拍戲 累化妝師捱鬧

# 陳凱琳擬開製作公司 搵老公響頭炮

■陳凱琳經常拍片放上社交平台，大受歡迎。

衛詩雅與陳凱琳昨日出席美容頒獎禮，Grace 透露近期喜歡拍創意短片：「生完小朋友後，自己都有諗下一步點做，試過花心思構思一啲廣告片同自己個人短片，得到讚賞，都想向呢方面發展。」她稱最近自編自導自演了一條短片，要扮演4個角色，髮型、換妝一腳踢，希望能給觀眾新鮮感。問到會否操刀幫老公鄭嘉穎拍片？她笑言：「老公都係想拍劇，不過佢有畀意見，話觀眾會想睇我做番自己。」提到她之前找龔嘉欣拍片，Grace 笑言已邀請衛詩雅合作演出，並已想好簡單劇本。

## 衛詩雅自誇美容達人

問到有否想過開製作公司？Grace 承認想過，但暫時只得她和一位攝影師，若成立製作公司，頭炮會找老公演出，並由她負責拍攝。再問會否讓三個兒子出鏡？她坦言會盡量避免：「因為大仔開始讀小學，會有自己嘅社交圈子同學習環境，所以唔想影響佢，由佢自己選擇。」不過她指細仔未夠兩歲，希望多花時間

陪伴成長：「所以拍劇嘅話，要等囡囡大啲先考慮。」

衛詩雅笑言有護膚心得，加上未婚夫是醫美醫生，自誇是美容達人：「隔離嗰個（未婚夫）係最高指標，我都有一定壓力，有時情深對望，佢就眼定望住我話點解多咗條紋，所以近來幾忙謝票都有做護膚療程。」她笑言自己皮膚好夠水潤，可能主演電影《破·地獄》票房衝破6,500萬元，令到心情更容光煥發。她透露拍《破》片時沒化妝出鏡，就連導演陳茂賢都不信，罵化妝師為何替她上妝，結果要用紙巾抹她的臉來證明沒上妝，最後導演要求她畫深黑眼圈顯憔悴才可演出。

提到老闆楊受成笑言加導演酬勞加到破產，衛詩雅笑言看報道後得悉老闆送了一層樓給導演，由於老闆之前已送鑽石鍊給她做嫁妝，故再沒奢求，只希望公司繼續開戲給她，因為拍戲是她最開心的事情。

■衛詩雅晒白滑玉背。



## 千嬅參與學校活動 遭囡囡打發離開

楊千嬅昨日到樂富出席活動，分享與12歲兒子Torres的相處點滴。她笑言現時很少回港出席公開活動，最重要是多陪兒子：「我哋也都傾，我會問佢有冇識到朋友，叫佢可以約啲朋友返屋企食飯。」她指兒子步入青春期，有自己的圈子和行程，雖然她會參與兒子的學校活動，但會被打發離開：「不過我OK，我尊重佢，因為我細個都係咁。（傷心？）冇，可能我係水瓶座，愛自由。」千嬅透露兒子遺傳了她和老公的音樂天分，會跟同學夾Band，更是任主音位置：「不過佢最近有啲壓力，佢開始變聲。（囡囡有冇偶像？）唔知，但肯定唔係我。」

千嬅透露最近看了電影《破·地獄》：「我好叻，冇用晒成包紙巾，只用咗7張。」工作方面，她稱將會出碟慶祝入行30周年：「因為想回饋界粉絲，大家咁開心就做啲紀念品出嚟。」又稱明年會多留香港：「其實我成日都會返嚟，不過冇乜嘢做。」



■千嬅尊重兒子決定，不會強迫他做不喜歡的嘢。

## 陳家樂為愛女匿埋打機

「新手爸爸」陳家樂昨日到荷里活廣場出席活動，提起愛女，他笑言會幫手換尿片和沖涼，試過餵奶卻不成功：「因為佢飲奶嘅時候會周圍郁，我又唔熟手，所以每次餵5分鐘佢就唔得，開始郁。」喜歡打機的他坦言不會改變習慣，但現在多了考慮，因小朋友容易被電視熒幕的顏色吸引，因此為了女兒的眼睛着想，決定將遊戲機放在房間。他又稱在照顧孩子上，甚少與太太有分歧：「因為我哋時間分配好好，會有屬於自己嘅時間，當太太要休息就由我去照顧。」



■家樂對着小女孩一臉父愛。



■阿Sa拉出現金時勁驚喜。



賀歲片《祥賭必贏》日前煞科，劇組特意在片場為蔡卓妍（阿Sa）提前慶祝11月22日的生日。劇組準備了一個獨特的生日蛋糕，配有啤牌、籌碼、麻雀及金幣等賀歲元素，並藏有寓意「大紅大紫」的現金驚喜！阿Sa邊搵生日牌，邊拉出一張一張10元及100元的紙幣，阿Sa驚喜說：「現金啊！係現金啊！我第一次收咁嘅蛋糕呀！好鍾意個蛋糕啊，鍾意個餡呀，哈哈！」張繼聰則帶領全場高唱生日歌，氣氛熱鬧。